

relinquo quitatam. oro igitur dominos meos duces illustres causa dei omnipotentis vt hanc donacionem meam certificent et confirmet. ipsam sigillorum ssuorum munimine roborantes. Ego vero sigillum meum vna cum sigillis nobilis domine. domine ragnildis que presens ffuit huic ordinationi et discretorum virorum domini birgeri abbatis de aluastrum. domini karuli sacerdotis benedicti jngiborghesson magni laurinsæsson et aberni hæmigxsson sscripto duxi presententi apponendum Datum et actum anno domini. M^o. CCC^o. X^o. quarto kalend. marcij.

På fransidan: de donacione asmundi laang de wysingsöo de höffxgherde.

Alla 10 sigillen borta; remsorna kvar.

1657.

1310 d. 5 Mars

Helsingör.

Konung BIRGERIS gåfvobref på Algö gård till Folke Jonsson, såsom ersättning och belöning för mångfaldig trogen tjenst.

J. 6: 131.

Vniuersis præsens scriptum cernentibus, tam præsentibus quam futuris, BIRGERUS Dei gratia Sveorum Gotorumque Rex, salutem in Domino sempiternam. Nobilis viri Domini Folconis Ionsson, fidelis nostri, præsentis Exhibitoris seruicia multiplicia nobis tenerius impensa, debita meditatione pensantes ratione inducimur, et voluntarijs motibus merito prouocamur, vt non solum fidem ipsius, et devotionem firmam dignis fauoribus, et votiuus remunerationibus compensemus, verum Etiam de seruicio nostro reddere volumus, indempnem, et de præmijs non immunem, autoritate Regia sibi damus, suisque veris hæredibus, curiam nostram dictam Algöö, cum colonijs omnibus, agris, pratis, pascuis, piscaturis, siluis, venationibus, et ceteris alijs curiæ adiacentibus, prænotatæ habendam, tenendam, et in perpetuum possidendam. pro nobis nostrisque hæredibus, pacifice et quiete, nec volumus nos diebus nostris, nec hæredes nostri teneantur, aliquo de iure in posterum revocare. In cuius rei testimonium sigillum nostrum, vna cum sigillo Magnificij Principis. Domini E. Dei gratia Regis Danorum Illustris, et aliorum nobilium Dominorum, videlicet Domini Magni, Episcopi Vexionensis, Domini Leonardij dapiferi, Domini Turonis Kiätillsson, Camerarij, Domini Haquini Lámä Marscalci nostri, Domini Canuti Ionsson, Domini Tuconis Ionsson, Domini Petri Liquidsson, Domini Töriri Birgirsson, Domini Haquini Haralsson, Domini Holmvidi Elefsson, consiliariorum nostrorum dilectorum præsentibus est appensum. Datum Hålsingör, Anno Domini Millesimo, CCC Decimo, III Nona Martij.

Enligt teckningen hafva sigillen N. 6 och 8 funnits oskadade, de öfriga 9 borta.

1658.